

Poziv za učešće na seminarima za jačanje kapaciteta službenika za mlade i onih koji rade na pitanjima od značaja za mlade u institucijama vlasti u Bosni i Hercegovini

Broj poziva: 21.04.2-N2.5-3455

Poziv za učešće na seminarima za jačanje kapaciteta službenika za mlade i onih koji rade na pitanjima od značaja za mlade u institucijama vlasti u Bosni i Hercegovini

Jačanje kapaciteta službenika za mlade – prioritet Instituta za razvoj mladih KULT

Svjesni svih izazova s kojima se službenici za mlade susreću u svakodnevnom radu, Institut za razvoj mladih KULT organizira osnovne obuke za službenike za mlade, ali i specijalizirane seminare i edukacije za službenike koji žele dodatno razviti svoja znanja i vještine.

Seminari predstavljaju priliku za profesionalni razvoj službenika za mlade i uposlenika institucija vlasti, razmjenu iskustava i umrežavanje s kolegama iz različitih dijelova Bosne i Hercegovine.

KOME JE NAMIJENJEN POZIV?

Seminari su prvenstveno namijenjeni:

- službenicima za mlade sa svih nivoa vlasti u Bosni i Hercegovini koji su uspješno završili Osnovnu obuku za službenike za mlade i stekli certifikat,
- službenicima za mlade koji do sada nisu završili Osnovnu obuku, ali obavljaju poslove službenika za mlade i
- uposlenicima institucija vlasti koji obavljaju poslove povezane s temama seminara, poput službenika iz PR službi, službi za društvene djelatnosti i drugih relevantnih odjela.

U ime jedne institucije vlasti moguće je prijaviti dva predstavnika, a broj mjesta na seminarima je ograničen.

ZAŠTO JE POZIV NAMIJENJEN NAVEDENIM POJEDINICIMA?

Službenici za mlade – ključni partneri u osnaživanju mladih

Službenici za mlade imaju ključnu ulogu u osnaživanju mladih kroz različite aktivnosti, programe i inicijative. Oni su često prvi kontakt mladih sa institucijama vlasti te im pružaju potrebne informacije, resurse i podršku kako bi se aktivno uključili u društvene procese i postali pokretači pozitivnih promjena. Da bi se stvorilo okruženje u kojem će mladi u Bosni i Hercegovini željeti živjeti, razvijati se i doprinositi društvu, važno je uključivanje svih nadležnih institucija i nivoa vlasti u procese izgradnje odgovarajuće i kvalitetne institucionalne brige za mlade. Službenici za mlade igraju važnu ulogu u ovom procesu, budući da svojim radom mogu podržati uspostavu mehanizama za mlade, ali i podstaknuti mlade na uključivanje u procese donošenja odluka koje ih se tiču.

TEME SEMINARA

Teme seminara su rezultat rada sa službenicima za mlade i evaluacije ranijih obuka te su usklađene sa njihovim potrebama. U cilju jačanja kapaciteta službenika za mlade i onih koji rade na pitanjima mladih u institucijama vlasti Institut organizira tri seminara:

1. Mladi i društvene mreže: efikasna komunikacija u digitalnom dobu

Datum i mjesto održavanja: 25-26. mart 2025. g., Sarajevo

2. Učešće mladih u procesima odlučivanja: uloga komisija za mlade za bolji položaj mladih

Datum i mjesto održavanja: 15-16. april 2025. g., Tuzla

3. Učinkoviti projekti mladih: kako kreirati i provesti javne pozive za projekte mladih?

Datum i mjesto održavanja: 18-19. juni 2025. g., Banja Luka

O TEMAMA

1. Mladi i društvene mreže: efikasna komunikacija u digitalnom dobu

Društvene mreže su danas jedan od najsnažnijih kanala komunikacije s mladima. Cilj seminara je osnažiti službenike za mlade naprednim vještinama za učinkovitu upotrebu digitalnih platformi u svakodnevnom radu.

Učesnici seminara će učiti, razmjenjivati ideje i kreirati nove pristupe kroz sljedeće teme:

- Kako komuniciramo sa mladima, online i offline.
- Društvene mreže i mladi – analiza ključnih platformi (Instagram, Facebook, TikTok, YouTube) i njihov utjecaj na angažman mladih, uz kombinaciju online i offline komunikacije.
- Uključivanje mladih u proces donošenja odluka – korištenje društvenih mreža za informiranje mladih o važnim pitanjima, poticanje njihovog angažmana i uključivanje u proces donošenja odluka.
- Primjeri dobre prakse – uspješne kampanje i inicijative koje povezuju mlade putem digitalnih i tradicionalnih kanala.

2. Učešće mladih u procesima odlučivanja: uloga komisija za mlade za bolji položaj mladih

Glavni cilj seminara je osnažiti službenike za mlade i predstavnike institucija vlasti u prepoznavanju i primjeni ključnih mehanizama za institucionalno uključivanje mladih u proces donošenja odluka. Kroz razmjenu iskustava i primjere dobre prakse, učesnici će steći konkretna znanja i alate za jačanje saradnje s komisijama za mlade te značajnije pozicioniranje pitanja mladih u radu zakonodavne vlasti.

Ključne teme:

- Uloga komisija za mlade u odlučivanju – kako komisije za mlade mogu podržati postojeće programe, rad nadležnih službi za pitanja mladih i nove inicijative.
- Saradnja službenika za mlade i komisija za mlade – uspostavljanje efikasne komunikacije i zajedničkog djelovanja.
- Institucionalni mehanizmi za uključivanje mladih – oblici uključivanja mladih u procese donošenja odluka i osnaživanje njihovih predstavnika u komisijama.
- Primjeri dobre prakse – uspješni primjeri uključivanja mladih u procese odlučivanja.

3. Učinkoviti projekti mladih: kako kreirati i provesti javne pozive za projekte mladih?

Transparentno i učinkovito kreiranje javnih poziva ključno je za osiguravanje podrške projektima mladih koji doprinose razvoju zajednice. Ovaj seminar pružit će službenicima za mlade konkretne smjernice za osmišljavanje, implementaciju i evaluaciju javnih poziva, kako bi se omogućilo aktivno uključivanje mladih u društvene, kulturne i obrazovne projekte.

Ključne teme:

- Šta su javni pozivi i zašto su važni? – svrha i značaj javnih poziva u kontekstu podrške mladima.
- Kreiranje kvalitetnog javnog poziva – formulacija jasnih ciljeva, uslova i kriterija za odabir projekata.

- Promocija i vidljivost javnog poziva – kako osigurati da informacije o pozivu dođu do što većeg broja mladih i omladinskih organizacija putem digitalnih i tradicionalnih kanala.
- Primjeri dobre prakse – uspješni primjeri javnih poziva za projekte mladih

KAKO SE PRIJAVITI?

Ukoliko ispunjavate gore navedene uslove molimo vas da se prijavite putem [online obrasca](#). **Krajnji rok za prijavu je 17. mart 2025. g. do 23:59 sati.**

Prilikom prijave molimo vas da vodite računa o tome da će svi odabrani za učešće biti informirani do 19. marta 2025. g. do 16:30 sati putem email-a sa dodatnim informacijama o održavanju prvog seminara **Mladi i društvene mreže: efikasna komunikacija u digitalnom dobu.**

DODATNE INFORMACIJE

Institut snosi troškove organizacije seminara, materijala za rad za vrijeme seminara i smještaja na bazi punog pansiona. Institut ne snosi putne troškove za učesnike seminara.

Za sva dodatna pitanja javite nam se putem telefona 033 778 765 ili emaila: nedimka.becirovic@mladi.org

Imenice koje se odnose na osobe bez obzira na njihov gramatički rod podrazumijevaju oba prirodna roda, odnosno spola.

Pridružite nam se i budite dio promjene – zajedno stvaramo bolje prilike za mlade!